

龍陽縣志

202701217
35
0128

心
如

陽

驟

志

序

龍邑左控長江右跨金牛縱橫
二百餘里其地三山六水土宜稻
麥澤足魚蒲民俗尚耕稼喜詩
書昔人稱為富庶文獻國自明
末屢經兵燹算丁僅五六千有



龍陽縣志

卷之一 序

奇彫瘵已甚我

朝定鼎休養生息水火而衽席之百
六十餘年湛恩龐洪勝登春臺而
遊華胥矣予以

今上唐午年膺

簡命來令茲土見夫民尚淳樸士厲敦

龐劉禹錫之歌土風納加台之稱文
學今犹有不異於古所云者乎西
望橋園丹陽所以袪浚也猶自歲
絹之遺踪南邁石壇丁易東編修
之里居在焉沈陽賜額風教固殊
東北則太常名山揚旗稱市潘承

明之屯師保障岳武穆之蕩清荏
苒武功斯競而抗疏引絕以蘇疲
民仰青惠烈之香火蘋蘩尤慨然
想見其為人下車浚深維古人吏
治端在悃樸每華嘉興士民務
農勸學不教以粉澤脂黛與維士

民亦安予之簡靜風氣日益醇古
強不啻淮陽之可臥而治也適郡有
改建考棚之後衆紳士等以邑志
未竣申請於予蓋自舊志之作去
今已百廿餘年矣其間土地日墾
政教聿新一切人物治蹟及夫忠

臣孝子貞婦義夫之有闕稱常名
教者略焉弗紀誠為闕典此邑志
之所以汲汲也昔前任純齋趙公
奉檄修之而書未成近者楓階陳
公已付剞劂苦艱費而緒未就予
嘉諸生之意因命呈閱一覽

定捐清俸以歲厥事俾將來達之
史館可代輔軒亦使官是邑者民
風物產利病興廢有所監視爰為
之弁言於其端云

昔

嘉慶十八年歲在癸酉仲冬月

龍陽縣志


卷之一 序

四

之穀旦

特授湖南常德府龍陽縣知縣張

在田撰



纂脩縣志紀畧

龍舊無志前明嘉萬兩脩郡志亦未
有專志龍者

國朝定鼎後宏開史館蒐輯遺文邑先哲
陳彭兩先生始網羅散失勒為一書
今又閱百二十餘稔矣人民殷庶物

產豐饒視舊志所載奚啻十倍第舊
志書僅四冊板歷百年字磨滅難卒
讀徵文獻者惜焉乾隆甲寅 制臺
畢檄下纂脩縣志備 國史館採擇
邑先達數輩設局訪輯近一年無成
書嗣庠生廖溶彭玉搜故麓遺稿授

鄉貢士游鳳藻彙纂成編嘉慶己巳
夏昌宇與同事李彌馨葉震瀛陳德
沛廖聯珠張學庭訂正付雕程工過
半尋以改脩 文昌宮中止會今春
郡城有改建考棚之役 邑侯鶴峯
張公念邑志為闔邑盛舉他日採風

問俗達之

皇覽亦撫有民社者之責也爰命陳子德
沛較正原稿以葺厥事書始成夫龍
邑地本彈丸其間民情土俗人物山
川與忠孝廉節之行拾遺補缺自易
易事何必遲至廿餘年始有成編哉


緣邇來邑中公事旁午動糜數千捐
貲者苦難給矣而縣志一書始則等
築室之謀繼幾深為山之慮是以遷
延日久剗厠方竣耳宇幸是書得黼
藻於同事諸友尤幸 邑侯蒞政之
暇日以興廢為華以不惜持衡設鑑

而成是書也爰為紀其畧云

時

嘉慶十八年癸酉嘉平月既望邑人

張昌宇合六氏紀



續脩邑志實錄

曩歲甲寅鄉前輩奉制憲畢檄修邑乘則有歐公退菴李公餘軒楊公石塢暨吾師童公立甫四先生廣採博訪倡稿於前然未及纂輯其後廖公復菴以稿授游公丹亭加增削時游公主邑書院講席瀛以肄業同張君學庭修門誼已而公北上應禮闈試復檢稿授

龍陽縣志

卷之一 實錄

一

瀛及庭且曰是志也固數易稿而未就剗剔者也尚速成之毋荆榛委因商陳君德沛張君昌宇廖君聯珠李君彌馨分任而校理之而總其事者惟彭公崑岡乃書刊大半而中止蓋經費不足故也邇來張君學庭以充官學教習留京師未獲歸而與成之而瀛諸人寔以與志終始相掣肘為恨適郡屬建修考棚

例得勦捐惟幸邑人士踴躍樂輸而
邑侯張公竊峰先生屬理樵業撥費歲事
書乃得告竣馬鳴乎志之修難於創始
尤難於觀成顧如是哉校既竣輒述數
言都前後修志諸姓名而備錄於簡端
嘉慶甲戌歲春三月既望邑人橫水葉
震瀛仙舟氏謹識



跋

舊志創修於康熙己丑書凡四卷今廣為八卷其分門別類視舊志小有異同采輯收錄則已過之起乾隆甲寅迄

今上甲戌書始成夫事莫難於創始而易於有基先祖陳一揆以

邑侯三韓蔡公之聘與邑前輩彭鳴霄等奉檄纂訂是書為之於文獻零落之餘趣成在數月之間然卒能應期立辦者蓋由勩事多事權一也百餘年來邑事亦疊出聿新矣前人已為其難而後莫之繼可乎歲丁卯庠

生廖溶彭玉始以甲寅歲邑人
歐學優童禮盛李枝扶楊學鄉
所纂殘稿付鄉貢士游鳳藻檢
校釐正已擅藍本會公車壯上
張子昌宇等與德沛不忍茲事
之擱廢將舉前志之所未及詳
及邇來人物事蹟之不容泯沒


者補其缺漏酌其繁省勒成一
書以備芻蕘勉強從事者蓋亦
有年茲幸 邑侯鶴山張公福
曜星臨慨然修廢舉墜命理舊
稿囑以志備輜軒采擇將信今
傳後者也考據宜審去取宜嚴
無隱善無虛美苟不能無欺於

冥昧之中不有人非亦有鬼責
承命校讎於茲蓋兢兢不敢苟
焉綜前後所纂俱已隨時呈請
監定越半載而後東槩始竣噫
茲志之成倘亦有數存乎其間
耶抑本其遲速難易之故而皆
自於人耶刻既畢衆趣有記因

借書數言附之簡末

昔

嘉慶十九年歲在甲戌四月既
望邑人陳德沛傅霖氏謹跋



纂修縣志原序一

由鼎州東北行六十里爲漢漢壽縣地今以各鄉而龍則吳大帝卽其地所分置邑也舊志以水如龍形邑在其南故曰龍陽而符瑞志曰吳赤烏十一年黃龍二見漢壽界孫氏瑞之改曰吳壽因更立一縣以龍見其陽故名水形蜿蜒者多矣名縣以瑞其說近是方今幅員訖海內外悉臣悉服

天子詔輯大一統志蒐羈邑乘及於龍合三韓蔡君敬屬邑士陳子一揆修之山川村市相錯如繪而能道其風土詳其

龍陽縣志

卷之一 原序

物宜濱水者有鰕鯉針白羸蚌之饒岩處者繁松杉橘柘棕蠟之殖廬田野者資稻粟麥蕎藥物菜茹之獲俾習而忘焉者稱說是志咸知佃漁之可以給生雖不必家致豐贍而歲時伏臘愉適矣於是安其業樂其俗不肯輕去其鄉重爲邪詖以安於太平舉萬國視此甚矣志之有裨於治也余嘗進邑人士較其藝業俊雋之才旣冠於旁邑而聞邑有貧不能婚葬者人佐以貲曰孝友會亦曰喜會有古卹睦遺風苟從此俗日益淳人才日益出不亦休乎顧余攷故明正嘉間民齒之蕃至三萬四千二百二十九口

至其季屢苦寇侵之又歉歲殲之

國初勞來綏集僅成丁八千三百八十有二年復被兵死徙相半乃止筭丁六千一十二夫財賦莫饒於墾田今戶口減於正嘉六之一田安得不就荒賦安得復古噢煦而生育之舍在位者誰責且邑北之大圍堤久隳不治堤以內舊容七村無復孑遺而田棄汙萊者幾三千餘畝其可悲矣余惟備官貳穉政弗耑屬及代攝穉事爲堤民請命會又移守廬陵志不竟展余惟龍饒稼植漁樵之利而多有造之才俗習近古稱易治其難者在生聚之而畢墾田蔡

龍陽縣志

卷之一 原序

二

君爲令民咸安之以與民相安之令因其地利進其人才而順導其俗始其易者以無辭乎難綏之輯之課耕足賦余深有望焉矣蔡君拜手曰是令志也因以序之康熙二十五年歲在丙寅春王毅旦中憲大夫署湖南常德府事本府同知新陞江西吉安府知府西湖湯修禎撰

纂修縣志原序二

今天下郡邑莫不各有志者夫豈漫然以爲之乎原夫作志者之意要皆本吾夫子作春秋之意以爲之也其思深其慮遠其有關於國計民生艱且鉅何則其志山川志形

勝者非徒誇美水秀山明以博騷人學士之吟詠將見設險固圉古王公不廢也其志星紀志災異者非徒天官時日紀異標新以惶駭聽聞將見天心變於上人事宜修於下也其志吏治志人物者非徒標榜姓氏用紀芳徽明乎有司之賢否褒貶維嚴人才之盛衰教養得失也至於志戶口之多寡賦稅之盈虧土地荒蕪田野開闢非徒會計出入而國家之隆替天下之治亂繫焉若夫志忠臣志孝子志烈婦貞夫所關網常名教尤非淺鮮於戲作志者之意抑何其思深其慮遠而所關於國計民生艱且鉅哉

龍陽縣志

卷之一 原序

三

皇清乙丑削平三逆海外輸誠既奏武功爰敷文教特命儒臣纂修一統志

詔下郡邑各緝志以備採擇維時三韓蔡君合常之龍陽邑未期年正當滇黔僭竊之後哀鴻甫集湯火始離軍需浩繁調劑望切蔡君遽能應

詔不以志爲緩視諮詢聞人廣蒐博採不數月而志成方付剞劂用昭永遠而余於丙寅春仲始下車適以公事赴星沙取道於龍蔡君謁余卽以志請余曰君不以志爲緩視是深知作志之意也矣余扁舟湖上夜雨篝燈未嘗不憐